

太上三十六部尊經
玉清境仙人經

玉清境仙人經

太上三十六部尊經

玉清境經下

黃林經

上真經

道教經

上鍊經

上妙功德經

道德經已上六卷

玉清境黃林經第七

正教廣明無有限量人天歸依無有窮盡於一切見在未來均俱正性若或過去生中有未聞法今皆得自然歸奉教法無有障礙若復有人出家慕道能知信向因是長養其身既長養以來未識法性即於此中輕譟諸曲強要名譽希望眾人恭敬自無所得何以利他將謂出家能明正性而復懸癡猶如盲人自無所見引人路途轉轉迷惑而不知覺若或布施強生讚嘆皆生貪求而無利益則

日四

於一一念中皆是煩惱無有休息又如嘆言曰道以一音而為說彼欲彼眾生各各具足各各得其解脫悉皆讚嘆而於自性未能解悟

天尊遂謂眾曰我於說法時先令一切自明本性然後教人受持如我所說以是因緣故諸法通明還復教人是諸眾生得是法教如子得父母故於一切嘆說是妙法增益功德如大海水還復周流無盡時於大眾得聞是說皆生歡喜因緣如是希有諸餘眷屬聞法亦稱希有則於眾中未聞未了皆得通解無量增益從此發念俱獲正真仙童侍衛百千音樂種種香花受諸果報俱入大教無為之果汝等今舉及未來世總除惡行而行正法遠惡就善棄絕為始捨樂求道是吾種子如上正行實難思議而不淨者變今淨為我法受持如或未淨即令了淨如是如是若或具足真實智慧真實妙寶故非虛謬善來眷屬甚深妙法因緣會遇念念遷改轉凡入聖從粗入妙捨身受身為真仙侶六住七住亦復